



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Ipreensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Sect. UI. Vti & ex necessitate Baptismi quoad omnes nemine exceptô.

urn:nbn:de:hbz:466:1-39351

DE PROPOSITIONE V. 465

An de Dæmonibus dici possit: *Non nisi per Christi gratiam fuisse liberandos?* Ideò in morte permansuros, & in ultimô judiciô puniendos, quia Gratiam Mediatoris non acceperunt? An ideo vitam non habebunt, quia Christum, qui vita est, non induerunt? Hoc tamen dici debuit de illis, sicut de hominibus, v. g. Parvulis non baptizatis, si redempti non sint, nisi quia pretium oblatum est sufficiens, sed non aliâ Redimentis intentione liberandi à morte oblatum, quam pro dæmonibus. Hæc autem comparatio plena cum Spiritibus Apostatis Jansenii est. Ergo illa corruit per eam, quam Augustinus requirit in hominibus omnibus Christianæ medicinæ necessitatem.

S E C T I O V I .

*Confirmatur ex sententia S. Augustini
de necessitate baptismi quoad omnes
nemine excepto.*

IN lumine ipso constituo, Sacramentum bapti-
mi esse ex effectibus unum Passionis ac Mortis
Domini nostri Jesu Christi. Quod si quis inficias
eat, revincet illum S. Augustinus ubi ait: *De la- Tratt. 15.
tere in cruce pendentis lancea percusso Sacra- in Ioan.
menta Ecclesiæ profluxerunt.* Et alibi: *Ostium arcae Noë
quid significet, nempè illud est vulnus, quando latus
crucifixi lancea perforatum est: hæc quippè ad illum
venientes ingrediuntur, quia inde Sacra- L. 15. de Civ.
menta manarunt, quibus credentes initiantur.* His jam sup- Dei c. 26.
positis sciscitaturus venio, num ad solos Re-
demptos hæc pertineant? Num ad alios? Ad
alios, quam Redemptos Christi Sanguine ea per-
tinere nemo dixerit. Cum sint Passionis ac mortis
effecta, ergo ad solos Redemptos pertinent.

G 8

Secun-

466 LIBER SEXTUS

Secundò percunctor, an solis Redemptis sint necessaria an aliis? Non aliis, quia ad illos non pertinent, ut jam dictum est; ergò his solis necessaria sunt.

Sed Sacramentum primum necessarium est omnibus, etiam illis, quibus non datur; ergò & illi inter Redemptos censendi sunt.

Baptismum porrò necessarium esse non modò parvulis, qui baptizantur, sed qui non baptizantur, ubique docet Augustinus; igitur docet Christum redemisse eos, qui re ipsa à captivitate diaboli non liberantur, & quibus mors ejus non profuit.

Ab assumpto pendent omnia. Itaque

L. 1. op. imp. cap. 60. Probatur primò. De parvulis omnibus intelligendus est Augustinus ubi ait: *Quo Creatore nati sunt, hoc indigent Salvatore.*

*L. 3. cont.
Iul. c. 3.*

Secundò de omnibus Parvulis loquitur: *Natura ista in tantas & tam manifestas collapsa miseras Liberatorem, Mundatorem, Redemptorem habet necessarium non Julianum, non Cælestium, non Pelagiūm laudatorem.*

L. 3. de pe. merit. c. 4.

Tertiò ad omnes Parvulos spectat, quod de curā baptizari volentium refert: *Non ob aliud ad Jesum, hoc est, ad Salvatorem & ad Medicum Christum piis gestantium manibus ferri, nisi ut per Medicinam Sacramentorum ejus possint à peccati peste sanari.*

*L. de Dono
Persev. c. 12.*

Et tamen Festinantibus parentibus ac paratis Ministris ut baptismus parvulo detur, Deo tamen nolente non dari.

L. 2. op. post. cap. 212.

Quartò Juliano pro omnibus Parvulis intorquet: *Aut dic apertè, Baptizari eos non oportere: non enim aliud, cui morerentur, habuerunt.*

cap. 172.

Etrursùm: *Nolite ergò eximere parvulos de numero peccatorum, quia & pro ipsis mortuum fatemini Christum.*

Quin-

DE PROPOSITIONE V. 467

Quintò ad omnes pertinet: *Quibus autem opus,
his procul dubio est Iesus.*

Sextò de Parvulis non baptizatis loquitur: *Illi,
quibus Sacramentum defuerit, in iis habendi sunt, L. I. de pecc.
qui non credunt filio, atque ideo si hujus inanis gra- merit. c. 20.
tiae exierint, sequetur eos quo diritur: non habebunt
vitam, sed ira Dei manet super eos.*

Septimò frequenter de Parvulis dicit non ha-
bituris vitam: *Qui non manducaverint carnem
Domini, scilicet in baptismo quod & libro I. cont.
Julianum cap. 7. confirmat per Innocentium
Papam dicentem: Nisi manducaverint carnem &
Sanguinem biberint, vitam parvulos habere non posse.*

Et quemadmodum visio serpentis omnibus à
serpentibus fauciatis necessaria fuit, ita & omnibus,
nemine excepto, à serpente tartareo Iesu Christum *Serm. 14. de
esse necessarium. Serpentis morsu movebaris, ideo Verb. Apost.
crucifigitur Christus, ideo fundit Sanguinem Christus cap. 3.
in Remissionem peccatorum. Sicut exaltavit Moyses
serpentem in deserto, unde sanarentur, qui in illo de-
serto à serpentibus mordebantur, & illum exalta-
tum attendere jubebantur, & quisquis attenderet,
sanabatur: sic exaltari oportet filium hominis, ut
omnis qui credit in illum, id est, qui attendit exal-
tatum, non pereat sed habeat vitam æternam.*

Adam primus accepit mortuum serpentis cum *cap. II.*
veneno.

Ab hoc veneno serpentis non liberat nisi gra- *cap. 14.*
tia Serpentis.

Cujus Medicinalis adventus non est opus sanis
sed ægrotantibus: in cuius regnum non intrabit
*Nisi qui renatus fuerit ex aquâ & Spiritu Sancto...
ab hoc peccato, ab hac ægritudine, ab hac irâ Dei, L. I. de Pecc.
cujus naturaliter filii sunt, non liberat nisi agnus merit. c. 23.
Dei: non nisi Redemptor, cuius Sanguine deletur
debitum nostrum.*

G g 2

De.

468 LIBER SEXTUS

Defectu etiam fidei, quâ serpentem aspiciant; id est in Christum credant, damnandos asserit parvulos cōdem libro juxta illud: *qui crederit & baptizatus fuerit salvus erit: qui vero non crediderit, condemnabitur.* *Quis autem nesciat, inquit, credere esse infantibus baptizari, non credere autem non baptizari?*

Comparat quoque baptismum arcæ Noë sicut Apostolus Petrus, & subdit: Ab hac salute & lumine alieni sunt parvuli, & in perditione ac tenebris remanebunt nisi per adoptionem populo Dei fuerint sociati tenentes Christum passum justum pro iustis, ut eos adducat ad Deum. Item ex illo loco ubi Salvator ait: *Qui tecum non est adversum me est, constitue igitur quemlibet parvulum: si jam cum Christo est, ut quid baptizatur? Si autem quod habet veritas, ideo baptizatur ut cum Christo sit, profectò non baptizatus non est cum Christo.* Et quia non est cum Christo, adversus Christum est.

Concludit itaque: *Omnem hominem separari à Deo nisi quis per Mediatorem Christum reconciliatur Deo, nec separari quemquam nisi peccatis interludentibus posse.*

Igitur quibus opus, his procul dubio est Jesus, omnibus Redemptor, omnibus medicus, qui poculum immortalitatis de nostra infirmitate & virtute divinâ confecit, sed si non bibitur non medetur.

Hanc Medicinam ad parvulos, qui finè baptismo moriuntur, extendit etiam S. Fulgentius lib. 1. de verit. Prædest. cap. 14. ubi docet mitiori poenâ Parvulos cruciandos, quia remedium baptismi non contempserunt: *Deterius est enim, ait, REDEMPTIONIS beneficium impiâ voluntate non querere, quam ad ILLUD impedimento teneræ prorsus atatis venire non posse.* Unde & antè præmisit de contemptoribus baptismi: *Sed in eo est m-*

jorens

DE PROPOSITIONE V. 469

jorum causa deterior, quia rationis utenda facultate percepta, respidunt aut negligunt regenerationis salutare remedium, sine quo non solum regno potiri non nequibunt, quin etiam gravioribus suppliciis subjacebunt,

Ergo baptismus est regenerationis remedium, & Redemptionis beneficium institutum pro illis etiam, qui per aetatem ad illud venire non possunt atque ita moriuntur, de quibus idem Sanctus pronuntiat, quod arsuri sunt sine baptimate morientes.

SECTIO VII.

Mors Christi pro omnibus probatur ex Argumento Apostolico, Expositore S. Augustino: Quoniam unus pro omnibus mortuus est, ergo omnes mortui sunt. 2. Corint. 5. v. 14.

SI Christum passum esse, crucifixum, mortuum prae se ferat; intentione morientis pretium pro illis oblatum esse, ut ejus oblatione placatus Pater eos re ipsa de servitute liberaret, ut contendit Jansenius; Apostolici argumenti evi erit: *Christus pro omnium hominum generibus, Regibus, privatis, nobilibus, ignobilibus, item omnium nationum, linguarum reali liberatione à servitute peccati obtainenda mortuus est; ergo ex omni genere, conditione, natione, lingua mortui sunt in peccato.* Hac consecutione stante, possent multi ex omni genere liberi esse à peccato, qui consequenter ad mortem Christi non pertinerent, eò quod non sit mortuus Christus nisi pro mortuis iuxta Apostoli consequentiam.

G g 3

Atqui